

مجله علمی و ادبی

مطبعه و محل اداره :

جغیال اوغلنده امنیت
صندوغی جوارنده
شنگول یقوشنده
۲۷ نوسرو

مسلكجه موافق آثار
جدیده مع الممنونه
قبول اولنور

درج ایدلهین آثار اعاده اولنور

دیر ، فلسفه ، علوم ، حقوق ، ادبیات تاریخ ، سیاست ، احوال و شؤون اسلامیه و بحث ایدر و هفته ده بر نشر اولنور .

صاحب و مؤسسلری :

در سعادتده نسخه سی ۵۰ یاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

آبونه بدلی

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

یدنجی جلد

۲۵ ذی القعدة ۱۳۲۹ پنجشنبه ۳ تشرین ثانی ۱۳۲۷

عدد : ۱۶۷

آجی حقیقت سویلمک ایستورم ، لیکن قلم شدت تأثرمدن چارپیور ،
الرم آیا قلم تیره یور .

بز شو دقیقه ده اوپله جکر سوز ، اوپله وحشت انکیز بر منظره
قارشیمسند بولورزکه ، تاریخ اونی بتوز فجائیه صحائفه قید
ایده جکدر . دولت علیه نک آفاق عصمتده تگون و تجمع ایدن فلاکت
بلوطلری امین ارلکیزکه ؛ یالکیز او محیطه منحصر اولمیوب بتون
عالم اسلامه شاملدر . ایتالیا قورصانلری نک تجاوز وحشت
انکیزینه هدف اولان عثمانلی دولته دوربانده موجود بتون اسلام
قرده شلریم مادی و معنوی ، المزدن کلدیکی قدر معاونت ایتلی بز .
منماً اولره ظهیر اولمی و نقداً پاره کوندرملی بز . فقط شونی ده
اونو تاملی بزکه ؛ مادی معاونت بو کون ترکیه مرشیدن زیاده
لازمدر . شهریمزده بر جوق اسلام انجمنلری موجود لیکن اولره
شمدی به قدر بر اثر حیات مشاهده ایدیه مدی . بن بونی ، بو آجی
حقیقتی مع التأسف آغلایه رق سویلیورم .

شو دقیقه ده بوراده اجتماعز یک مهم برایشک تسویه و مذاکره سی
ایچوندر . بو مهم ایش ایسه دولت علیه به تقدی معاونتده بولمقی .
اوکا جمع ایده بیلدیکنز قدر پاره کوندرمکدر .

محترم دینداشلرم ! کوریورسکیز . دیگر اقوام دیناً منسوب
بولندقلری دولتره نه صورته معاونتده بولیورلر ؟ کرک حرب و کرک
صلح و مسالمت زمانده اولسون اولره مادی و معنوی یاردیم ایدیورلر .
تهوین احتیاجلری ایچون اللرندن کلدیکی قدر چالیشیورلر . بز
ایسه دائماً آتش صاچاغی ساردقندن صوکره ایشه باشلاورلر .
بو کون بزیم دینک مدافعی اولان ، هر درلو مضایقه
زمانلریمزه امدادیمزه شتاب ایدن سرتاج ابتهاجمز خلفه ذیشانمز
دگمیدر ؟ بو بویله اولدینی حالحه بزیم عثمانلی - ایتالیان محاربه سنه بی
طرف و بیگانه قالدیمز فصل تجویز ایدیه بیلیر ؟ هلال احمر جمعیتی
ایله عثمانلی دوئمناسی بزیم معاونتده محاجدرلر . هلال احمر جمعیتی یتم
ویبیکس قالان جوجنلری ، حاکمیت عثمانیه و خلافت معظمه نک محافظه
شانی ایچون مباربه ده سوده جان و یرن جسور و فداکار عسکرلرک
طول قالان اولاد و عیالی صیانت و اولرک احتیاجاتی تسکین ایتمک ،
مجر و حله باقق ودها بر جوق معاونتده بولمقی ایچون تشککل ایتمشدر .
بویله مقدس بر جمعیه اعانه و یرمکده بر دقیقه تردد ایدرسهک بو بزیم
ایچون یک بیوک بر نقیصه تشکیل ایدر .

بو ذات محترمک یک حرارتلی ، صمیمی اوله رق ایراد ایتدیکی
نطقک نهایتده حاضر و نک کوزلری یاشارمغه باشلادی و هرکس دولت
علیه به معاونت تقدیده بولنه جفته دائر سوز و یردیله . بونک اوزرینه
داوود محمد نام ذاتلر کرسی خطابه کله رک بروجه آتی ایراد مقاله
باشلادی :

« دها دون سوکیلی قیزیمک وفات ناکهانیسی بنی داغدار یأس
والم ایتدی . فقط امین اولیکیز که ؛ قرده شلرم . ایتالیا وحشیلرینک
طرابلس غربیه تجاویزلی ، قیزیمک وفاتی طولاییدیه حاصل اولان

تأثرمدن زیاده بنی متالم و متأثر ایتدی . دهرک هلال احمر جمعیتده
ویرمک اوزره یکرمی بش انکیز لیراسنی وفات ایدن قیزی نامناهدا
ایتمشدر .

بو نطقلر اوزرینه انجمن اسلام انکیزه خارجیه نظارتیه بر
تلغرافنامه جکدرک عثمانلی دولتک حقوق حکمرانیسنک محافظه سنی ،
دولت مذکور نک بو محاربه ده بی طرف قالماسنی رجا ایتمشدر .
صدراعظم پاشا حضرتلرینه ده چکیان دیگر بر تلغرافده ایتالیانک
وقوعه بولان تجاوز ناکهانی و وحشت انکیزینی شدتله پروتستو و دولت
علیه به هر درلو معاونتده بولمقی یخیده ابروجه عرض ایتمشدر .

مسلمانقله مدنیت

مجارلی مستشرق شهر پروفیسور وامبری کچن کون پشته ده عالم
اسلامه عائد غایت مهم بر قونفرانس و یرمشدر .

معلم محترم بو قونفرانسده مسلمانلره عزو و اسناد اولنار لیاقتسزلکی
رد ایدرک مسلمانلرکده اوروپا طرزنده مملکتلرنده اصلاحات اجراسنه
مستعد اولدقلری و حتی تابع اولدقلری قرآن کریمکده « علمی چینده
بیله اولسه آراییکیز » امرینی و یردیکنی ، خلاصه مسلمانلرک قطعاً
مانع ترقی اولمقی و اوله میه جفتی و بوا دعاسنک الک بیوک شاهده ی بغداد
واندلس و شام مدنیت اسلامیه سی انقاضی بولندیقنی اوزون اوزادی به
بسط و تمهید ایتمش و قرن حاضرده کوریلن بطاشک قرن وسطی ده
مسلمانلره هر فصله عارض اولان محافظه کارلرک سوء استعمال ایدلمش
اولمسندن نشأت ایتدیکنی بیان ایلمشدر .

طرابلس غرب مسئله سی بر (مسلمان مسئله سی) اولدی

اقدامک باش مقاله سنیدن :

ایتالیاحکومتی آرتق قانع اولمیدرک طرابلس غرب مسئله سی الحاله
هذه یالکیز بر عثمانلی حکومتی مسئله سی دکلدر . بو مسئله برده بر (مسلمان
مسئله سی) اولمشدر . ایتالیا اگر بتون حرکاتده متمدن بر ملت
یا قیشیر طرزده حرکت ایتمش اولسایدی بو ایش یالکیز ایکی دولت
اردسنده برایش عدا بیلدیلوردی . ایتالیا لیرک اوراده کی قادین ،
جوجوق اهل اسلامی شاعتک صوکه مرتبه سنه واره رق قتل عام
ایتمی ، فی الواقع اهل اسلامی عموماً داغدار ایده جک بر حرکتدر .
ایتالیا بو حرکتیه یالکیز عثمانلی حکومتک دشمنی دکل ، بلکه عربلرک
اسلامینک دخی الکی امان ، الک ظالم بر خصمی اولدیقنی اثبات ایتمشدر .
ایشته بونک ایچوندرک ایتالیا مظالمی یالکیز تونسده ، مصرده
دکل بتون قطعات اسلامیه ده انمکاسلر پیدا ایتمشدر . بوکون فرض
محال اوله رق دولت عثمانیه طرابلسدن الی چکه جک اولسه عناصر
اسلامیه و تخصیص طرابلس غرب و جوار ی اهالی اسلامیه سی عجز
مطلق حالنه کلنجه به قدر ایتالیلر ایله اوغراشه جقلردر . بو ایسه
ایتالیانک ابتدا ظن ایتدیکی کبی اوپله چابوق بتر شیلردن دکلدر .
بر ایشده بر غیرت اسلامیه ، بر ناموس اسلام واردر . اگر ایتالیا
طرابلس غرب مسلمانلری حقنده روا کوردیکی غدرک جزاسنی